



### 阿公个拐仔（北四縣腔）

14 歲該年，  
阿公得著肝癌，  
艱耐、盡少講話个阿公，  
佢个頸筋膠山頂項个樹梗平平硬，  
毋過阿爸、阿婆个面色，  
膠山頂項个樹葉仔共樣青。

17 歲該年，  
佢發生車禍，  
腳骨斷淨淨，  
連行路也毋會行。  
阿公渡佢轉臺東莊下，  
日日打早陪佢行路。  
一日一日行，  
佢跔等阿公个腳步，  
阿公去山頂剝樹仔，削咁一枝拐仔分佢；  
一日一日行，  
佢膠阿公越來越近；  
一日一日行，  
行到佢一儕人看等臺東个日頭恁烈恁烈，  
行到阿公擎等拐仔，  
在後背遠遠行過來，  
笑笑仔講佢恁會，「今晡日行恁遽」

一日一日行，  
阿公既經無法度出門，  
佢跔等頭擺膠阿公行過个路，  
既經毋使用拐仔，

佢還係擎等，  
想阿公哪時做得再過陪佢行路。

愛轉桃園屋下讀書該日，  
阿公在灶下嘔血，  
佢無過去，  
恬恬在廳下流目汁。  
行李裡背有一枝，  
阿公昨晡日去山頂頂削分佢个新拐仔。

佢無摺阿公講，  
佢既經毋使拐仔乜做得行；  
佢無摺阿公講，  
佢係佢心肝裡肚最毋盼得个人。  
單淨在 2 個月過後，  
跪在佢个大屋前，  
摺佢講，  
佢轉來咧。

阿公無講一句話。  
阿婆講，阿公个目珠闔起來哩。  
佢共樣闔等目珠，  
目汁滾滾流。

拐仔，既經無人愛用哩，  
一生人，佢毋使過擎拐仔，  
毋過還有過較多个東西，  
一生人也放毋下。

## 作者感言

這係佢第一擺用客話創作，寫個時節感覺盡毋好寫，還要去查字典，毋過寫忒自家看、自家用客話唸，感覺當親切，毋過用客話創作，佢還有盡多愛改進個所在。

這擺創作用個時間盡短，毋過寫個係放在佢心肝底肚盡久個事情。用這擺個機會，分自家試等用客話創作，有一兜事情，無用客話寫係寫毋出來個，這也係佢認為母語文學盡珍貴個地方。佢想愛用這擺個作品向佢個阿公、阿嬤表達佢個感謝，也承蒙張美煜老師分佢個鼓勵，感謝大家。

羅浥慈

國立臺灣師範大學 國文系 三年級

